



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XXXII. Georg und Barnim, Herzöge von Pommern, bestätigen die Gerechtsamen des Klosters Gramzow, mit Vorbehalt des Roßdienstes von den Gütern des Stifts in Pommern, am 24. August 1524.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

XXXII. Georg und Barnim, Herzöge von Pommern, bestätigen die Gerechtigkeiten des Klosters Gramzow, mit Vorbehalt des Hofdienstes von den Gütern des Stifts in Pommern, am 24. August 1524.

Wy Jurge vnd Barnym, gebrueder, van gades gnadenn Hertogenn tho Stettin, pamern, der Cassuben vnd whendenn, Fürsten tho Rhugen vnd Grauen tho Gutzkow, Bekennen hir mith dissem vnnsem breue, vor vns, vnse Eruenn Nakamende herschop, vnd szus jedermennichlick, de dissen breff sehen, horenn Edder leszen, dath vor vns gekamen vnd erschenen js, de werdige, vnnse Leue andechtige, Er Andreas, prawest tho Gramtzow, vnd hefft vor vns getegeth etliche fürstliche breue vnd priuilegia, dem gadeshulze, prawest vnd personen des Munsters Gramtzow vnn den Hochgebarnen Fürsten vnser leuen vorolderen, vedderen vnd vorfaren Hochlouelicker Dechnus, vnd Insonderheit van Wandages dem Hochgebarnen Fürstenn, hern Bugslaffen, Tho Stettin, pamern, der Cassuben vnd whende hertogen, Fürsten tho Rhugen vnd Grauen tho Gutzkow, szeliger gedechtnus, vnnsen geloueden hern vnnnd vater, gnedichlick gegeuen vnd vorzegelth, vnd hefft vns vnderdenichlick en gebeden, dath wy dem genanten gadeshulze, dath dorch vnnse vorolderen, Erstlick gestiftet, gebuweth vnd doteret js, Em vnd synes ordens mede personen, So darinne syndt, vnd eren nakamelingen, solike breue, Priuilegia, begnadingen vnd ere Rechticheiden, Confirmeren Beuestigen vnd Bestedigen möchtenn. Wyle wy denne dath jhenige, So vnse vorolderen dem almechtigen gade tho eren, vorge namen vnd bestedigeth hebbenn, By synen Wesende thoerholden geneigeth, So synt wy derwegen vnd vp genomedes prawestes demodich biddenth bewagenn vnd hebbenn demfuluigen gadeshulze tho Grametzow, praweste vnd den personen, de jtzundt dar jnne syndt, vnd allen eren nakamelingen, Sulcke vorgedachte Ere breue, priuilegia vnd gerechticheidenn, gnedichlick Confirmeret, Beuestiget vnd bestedigeth, Wo wy en ock jegenwerdigeenn, jnn Crafft disses vnser breues, Confirmeren, Bestedigenn vnd beuestigen vor vns, vnnse Eruen vnd nakamende herschop, doch vnnser vnd szus Jedermennichlickes Rechticheidenn vnshedelick. Wy hebbenn vns ock vor vns vnd vnse eruen hirmith jn allewege, Ock ewichlick forth vnd forth, vorbehaldenn, dath de Erbarren vnse vnderdanen vnd Leuen getruwen, de Schulenborge thor Lockenitze, de Zidowen tho Blomberge, de Reynkendorpe, Leuendale vnd Elfzholte thom peterfzhagen, dergelyken ock de Erfamen, vnse leuen getruwen Borgermeistere vnd Rathmanne vnser Stadt piritze, alle de lehen gudere, de sze van bawen gedachtem gadeshulze vnd praweste tho lehne hebbenn, vnd entfangen plegen, de alle jn vnnsen landen vnd Fürstendhomen gelegen syndt, vns vnd vnnsen eruen vor Roszdensten, daruan ock dhon vnnnd holden scholen, als manlehns gewanheit vnd recht js, Wo sze ock vorhen, allewege vnnsen vorolderen gedan hebbenn. Tho Merher Orkundth, hebbenn wy vnse Ingefegelen dedden an dissen breff mith Witschop hengen heten, In jegenwerdicheit der gestrengen, Erbaren vnd Werdigenn vnser Redere vnd leuen getruwen Degener Buggenhagen, Ridder vnd Erffmarschalck vnser landes tho Barth, Viuigentz van Eckstedt, Erffkamerer vnser Landes Stettin vnd vnse hauemeister, Jacob wobiser vnse Canntzler vnd houethman thor lowenborch, Er Nicolaus Brun, Dhomben der kerken tho Cammyn vnd Sanct Otten tho Stettin etc. Datum in vnser Stadt Olden Stettin, Am Dage Bartholomei apostoli. Anno etc. XV^o. vnnnd XXIII^o.

Mittheilung des K. Archivars Freih. v. Medem aus einem Pommerschen Copialbuche des Stettiner Archives.